

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-28209/25
Sarajevo, 30.12.2025. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku, Općinski načelnik donosi:

ODLUKU

I

Prihvata se ponuda ponuđača „Hidrom“ d.o.o. Sarajevo sa ponuđenom cijenom za ugovor u iznosu od 24.926,86 KM bez PDV-a, odnosno 29.164,43 KM sa PDV-om, u predmetu pregovaračkog postupka bez objave obavještenja o nabavci - „Izvođenje dodatnih radova na rekonstrukciji vodovodne mreže u SOS Dječijem selu, po osnovnom Ugovoru broj 1 broj 02/12-19-21752/23.“

II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

Obrazloženje

Služba za investicije i komunalne poslove je aktom br. 02/08-19-14969/24 SMS od 06.11.2025. godine podnijela zahtjev za pokretanje procedure pregovaračkog postupka za izvođenje dodatnih radova na rekonstrukciji vodovodne mreže u SOS Dječijem selu, po osnovnom Ugovoru 1 broj 02/12-19-21752/23 od 26.4.2024. godine, a shodno aktu stručno-tehničkog nadzora „Panacon“ d.o.o. Sarajevo broj 10039-25 od 06.10.2025. godine u kojem konstatuje da se tokom realizacije predmetnog ugovora ukazala potreba za izvođenjem opravdanih nepredviđenih i dodatnih radova zbog izmjene projektne dokumentacije od strane KJKP „Vodovod i kanalizacija“ d.o.o. Sarajevo (zbog odstupanja između projektovanog rješenja i stvarnog stanja na terenu) a kojom je produžena trasa i potreba za ugradnjom dodatnih podzemnih hidranata, ovalnih EV zatvarača, izradi dodatnih veza cjevovoda, kao i potreba povećanja broja kućnih priključaka i šahtova, a sve kako bi se osigurala funkcionalnost izvedenog vodovodnog sistema i kako bi se vodovodna mreža kompletirala u jednu funkcionalnu cjelinu bez tehničkih smetnji i gubitaka vode.

Na osnovu naprijed navedenog Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-28209/25 od 11.12.2025. godine – „Izvođenje dodatnih radova na rekonstrukciji vodovodne mreže u SOS Dječijem selu, po osnovnom Ugovoru broj 1 broj 02/12-19-21752/23“- pregovarački postupak bez objave obavještenja o nabavci. Služba za zajedničke poslove je potom uputila poziv za učešće u pregovaračkom postupku broj 02/12-19-28209/25 od 12.12.2025. godine ponuđaču „Hidrom“ d.o.o. Sarajevo.

Zapisnikom o otvaranju ponuda od 18.12.2025. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda ponuđača: „Hidrom“ d.o.o. Sarajevo.

Komisija je izvršila analizu dostavljene inicijalne ponude broj 110/25 od 17.12.2025. godine i utvrdila da ispunjava formalno-pravne uslove utvrđene pozivnim pismom, te je nakon izvršene analize jediničnih cijena od strane stručnih tehničkih lica komisije pristupljeno postupku pregovaranja sa predstavnikom ponuđača.

U toku postupka pregovaranja dana 23.12.2025. godine stručna tehnička lica Komisije su pregovarala sa predstavnikom ponuđača o mogućnosti smanjenja cijene ponude, te je Komisija pozvala ponuđača na mogućnost davanja popusta na ponudu, a izvođač je naveo da su cijene tržišne i u skladu sa osnovnim ugovorom.

Ponuđač pozvan da u roku od tri (3) dana dostavi konačnu ponudu.

Ponuđač je u ostavljenom roku putem protokola dana 24.12.2025. godine dostavio konačnu ponudu br. 110/25 sa ponuđenom cijenom za ugovor u iznosu od 24.926,86 KM bez PDV-a, odnosno 29.164,43 KM sa PDV-om. Komisija je izvršila računsku kontrolu ponude i konstatovala da nije bilo računске greške. Nadalje, stručna tehnička lica Komisije su izvršila uvid u osnovni ugovor zaključen sa ponuđačem, te ugovore koji za predmet imaju slične radove, kao i mišljenje stručno tehničkog nadzora, te su stručna tehnička lica Komisije mišljenjem broj 02/12-19-28209/25 od 30.12.2025. godine konstatovala da je ponuđač iznos inicijalne ponude umanjio za 0,5 %, te da su sve jedinične cijene u skladu sa osnovnim ugovorom (jer je riječ samo o dodatnim količinama) i trenutnim tržišnim cijenama, te je data preporuka za prihvatanje ponude i zaključenje ugovora.

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14, 59/22 i 50/24), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis

